



Trotzchöpf 1983

CLIQUE LIESCHTEL

Sujet 1990 : Hesch kei Brunne.....
Bisch e Dumme.

Duet sich eine füre und duet grossi Tate vollbringe,
wird ems Volk sicher e Chränzli winde
und het er au numme Mäzeen für sich gunne,
überchunnt da sicher für sich e Brunne.

Dr Strübi wo in Nancy unde in der Schlacht
heimlig sich ins Füschtli lacht,
chlaut im Karli Kühne schnäll e Schale,
us Gold und Silber, ygrafiert sy Initiale.
Schnäll steckt er das Gschirr in Sack,
dehei het ers dr Stadt vermacht.
Vo däm Tag a muesch wenn öpper bisch, dr Wy us
dr Schale gniesse
Zum Dank dien die Honorige dr Srübi in Bronze giesse.
Statue wird uff e Brunne ufe gstellt
so wills d Chronik und so wirds verzellt.

Do druss muesch schliesse,
willsch wie dr Strübi Agseh gniesse,
bruchsch e Brunne.....
sunscht bisch e Dumme!

Vor 100 Jahr hai si gfunde, au die Manne müess me ehre,
wo vo wyt ewägg die sydige Bündel bringe zu de Herre.
Was lyt nöcher, als e schöne Brunne,
d Lüt chönne druss Wasser trinke by starker Sunne.
So sy synerzyt die ville Bote zum Brunne cho,
da stoht au jetzt no nebenem Engel do.

Do druss muesch schliesse, willsch
wiene Bote Agseh gniesse,
bruchsch e Brunne.....
sunsch bisch e Dumme!

Au d Musikante hei e chlyne Brunne,
da hei si inere Lotterie vom Raurach gunne.
Fürs erschti Wasser, wo us dr Röhre chunnt begrüsse,
het dr Erich schuurig organisiere müesse.
As me die obere 10-duusig nit uf d Sichtere muess
träge,
bruuchts mänger Traktor, Chaise und anderi Wäge.
Dr Erich het das alles gmeischeret,
d'Lieschtler sy uusnahmswys begeischeret.

Do druss muesch schliesse,
willsch wiene Musikant Agseh gniesse,
bruchsch e Brunne.....
sunsch bisch e Dumme!

D Chrämer, dasch ungewohnt, deuje lang studiere,
was me de Lieschtler für d 800 Jahr Fyr will serviere.
Nach mänger Debatte, Sitzig und mängem Gchär
hei si gfunde, dass e Brunne s beschti wär.
Es müesst eine sy wo d IGL düeg repressentiere,
s Ganze setti denn au no rentiere.
Mir finde das Wärk isch würlklich glunge,
die Süüle isch vo künschtlerischer Chraft durdrunge.
E huffä Egge, schieffi Ebene, nüt wo sich duet profiliere,
duet doch dä Brunne genau eusi Chrämer porträtiere.

Do druss muesch schliesse,
willsch wiene Chrämer Agseh gniesse,
bruchsch e Brunne.....
sunscht bisch e Dumme!

Dr Kaspar Max und syni Manne sy besorgt,
wird das Wärk öppe no mit Wasser versorgt?
Die Fünf oder sys emänd sechs, mir wüesses nit gnau,
denn us der Wasserversorgig wird keine schlaue.
Wenn mir die zwee Brünne au no müesse putze,
wei mir grösseri Chischte für eusi Töff benutze.
Sicher einisch mehr müesse mir pro Tag go tanke,
ob dr Töff oder dr Ma, do drüber mache mir eus no
Gedanke.

Zum Schluss hei mir no e Glanzidee,
dä Brunne im Park, was neu het geh,
jo dä, wo sich bym sprütze so härzig drüllt,
het no kei Name, drum schnäll verhüllt
und uff e Name Wasserversorgig taufe,
damit wenigstentens öppis by dene duet laufe.

Wetsch in Rueh none paar Spruch uf dr Latärne läse, am
Zyschtig sy alli uffgschtellt im alte Zhüghuus vom zwöi
Zmittag bis am achti Zobe.